

Komposishon	:Mundu mira nos
Letra i melodía	:Brenton "Payo" Balentien /Royston Hato
Areglista	:Rudsel "Boeis" Comenencia
Kantante	:Shendry Roojer
Grupo Rítmico	Sablika



Mundu mira nos

Koro: Awor ta e momento pa mundu mira nos!

Awor ta e momento pa mundu mira nos!
 Nos fiesta di kosecha
 meresé amor i atenshon
 Nos ta un isla multikultural
 ku meresé atenshon universal

Seú mi kurason ta bati pabo,
 mi ke pone bo eyfó pa mundu por atmirábo
 Ban kargé pa mundu por miré
 ku tur su humildat i su simplesa

koro: Un pueblo fuerte i tambe generoso

Ku'n mester lanta ni tene na niun otro
 Chikitu na tamaño, pero grandi na historia

Koro : Awor ta e momento pa mundu mira nos..

Awor ta e momentu pa mundu mira nos
 Nos fiesta di kosecha meresé amor i atenshon.

Loke ta di nos ban kuida i apresiá
 Esta impresionante ta pa atmirá
 Nos seú tin su balor i mester dune'le su honor
 Mira kon bendishoná nos ta

Koro: Awor ta e momento pa mundu mira (koro)

Pidi tata sabiduria pa nos por us'é bendishon
 Paso si deskuidá kunuku,

Koro: Ta lugá pa yerba shimaron

Ban kita miedu, bistí kurashi shonnan

Koro: Ban butele aya'fo!

- Nos kultura, i é fiesta di kosecha
- Kòrsou sinti bo orguyoso,
- Bo ta úniko den bo sorto, p'esei

Koro: aya'fo 2x , ban butele aya'fo 1x

- Ku kara na laira
- Kurasonnan na lugá
- Un isla bunita i bendishoná

Koro: ey'fo ey'fo ey'fo

- Seú den su mihó
- Awe nos tey buté
- Kòrsou lo bo ta grandi
- Laga mundu konosé
- No tene miedu
- Ta un meta nos tin
- At'é pueblo a uni nada un por para nos

Kick:

Ban kant'é pa mundu por tendé }
Ban wap'é pa mundu por mir'é 2x

Koro: aya'fo !

- Laga nos nòmber resoná
- Kòrsou ata bo seú
- Ta saka kara awe
- Awoki mas ku nunka
- Ta or'i demostrá
- Esta dushi sintimentu
- Mira mi pueblo hubilá
- Ban duna di nos parti,
- Pa nos por yega awó
- Kòrsou bo ta un ehèmpel,
- Pa mundu a mira nos

Inspirashon : Mundu, Mira nos!

E inspirashon akí a bini na momento ku mi tabata afó pa representá nos dushi pais Kòrsou den e sektor di Horeca.

Semper ku nos bai ta pone atenshon i plachi nan di nos Isla bunita i semper huntu kune ta duna atenshon na e fiesta di karnaval so.

Mi a haña esei remarkabel i mesora e pregunta a dal den mi kabes.

Pero dikon no ta duna e mesun atenshon riba seú tambe ?

Un fiesta asina bunita ku un nifikashon asina profundo ku realmente ta idenifká nos kultura i e hende ku nos ta.

Ta duna un bista di unda nos a bin, kon nos a biba i kon nos ta celebrá.

Pesei pa medio di e komposishon aki mi ke konsentisá, na promé lugá nos pueblo pa ban duna mas di nos banda.

Pa duna Kòrsou i su seú e balor i tambe pa mundu sa i konosé mas di nos kultura, muy espesialmente e fiesta di kosecha.

Pesei ban duna mundu kos, pa nan mira nos!

Splikashon di palabra i dichonan:

- Pidi tata sabiduria pa nos por uzé bendishon

Tin biaha nos ta risibí bendishon di ariba, pero nos no ta rekonosé i tin biaha nos no sa kiko of kon hasi kun'é.

P'esei ora risibí bendishon, ta pidi Tata mesora duna e sabidoria nesesario pa por comprendé i us'é manera mester ta.

- Paso si deskuidá kunuku ta lugá pa yerba shimaron

Esaki ta un dicho ku ta saká for di e buki di e eskritor Sr. Winnie Poulo.

Loke e dicho aki ta para p'é, ta ku na momento kubo no duna atenshon na algu, ta duna espasio pa esaki por bai pèrdí.

Pues relatá na e seú spésifiko akí e ta pone atenshon riba e echo ku si nos no duna atenshon na nos fiesta di kosecha (seú) aki par di tempu e lo bai pèrdí i para kaba na nada.

Esei ta netamente lokual nos no kièr, alkontario nos ke pa mundu kompletu sa di nos fiesta i nos kultura ku ta asina riku.